

## J. P.U. 2.

## AKTA KERAJAAN TEMPATAN, 1976

**12**UNDANG-UNDANG KECIL PASAR-PASAR  
(MAJLIS DAERAH KOTA TINGGI) 1981*Akta 171.*

PADA menjalankan kuasa-kuasa yang diberi oleh seksyen 73 Akta Kerajaan Tempatan 1976, Majlis Daerah Kota Tinggi membuat, dan menurut seksyen 103 Akta tersebut, Pihak Berkuasa Negeri mengesahkan Undang-undang Kecil yang berikut:

Nama dan permaklaman.

1. Undang-undang Kecil ini bolehlah dinamakan Undang-undang Kecil Pasar (Majlis Daerah Kota Tinggi) 1981 dan hendaklah dipakai hanya dalam kawasan Majlis tersebut dan hendaklah disifatkan telah mula berkuatkuasa pada 1hb: Mac, 1982.

Tafsiran.

2. Dalam undang-undang kecil ini, melainkan jika kandungan ayatnya menghendaki makna yang lain:

“pasar lelong” ertiinya pasar di mana penjualan lelong dijalankan;

“pasar” ertiinya mana-mana tempat awam yang biasanya digunakan bagi menjual binatang atau daging, ikan, buah-buahan, sayur-sayuran atau barang-barang makanan lain untuk dimakan oleh manusia yang mudah busuk dan bagi menjual pakaijan atau barang dagangan lain dan termasuklah semua tanah dan premis-premis yang digunakan berkaitan, dan bersangkutan dengannya;

“tempat jualan” ertiinya mana-mana ruang yang diperuntukkan dalam kawasan pasar dan digunakan untuk menjual barang-barang yang diluluskan oleh Yang Dipertua;

“Yang Dipertua” ertiinya Yang Dipertua Majlis Daerah Kota Tinggi dan termasuk Timbalan Yang Dipertua;

“pasar persendirian” ertiinya sesebuah pasar selain daripada sebuah pasar awam dan termasuklah pasar mini dan pasar raya;

“pasar awam” ertiinya sesebuah pasar yang dimiliki, dipajak atau diselenggarakan oleh Majlis Daerah Kota Tinggi;

“gerai” termasuklah sesuatu tempat jualan;

“pemegang gerai” seseorang yang dilesenkan oleh Yang Dipertua untuk menjual di dalam kawasan pasar awam, dan di dalam sebuah pasar sendirian seseorang yang dibenarkan oleh pemegang lesen pasar tersebut untuk menjual di dalam kawasan pasar itu dan dalam kedua-dua pasar tersebut termasuklah orang yang menjaga gerai itu.

Pelesenan per-sendirian.

3. Tiada sesiapa pun boleh menubuli, mengurus atau menjalankan sesebuah pasar persendirian di mana-mana tempat, pegangan atau bangunan tanpa sesuatu lesen yang dikeluarkan oleh Yang Dipertua di bawah undang-undang kecil ini.

Kehendak-kehendak dalam bangunan yang dilesenkan untuk pasar persendirian.

4. (a) Dinding-dinding pasar persendirian hendaklah dikemas-siapkan dengan permukaan yang licin yang boleh dibersihkan dengan mudah dan cepat tanpa tonjolan-tonjolan atau lekuk-lekuk yang berkemungkinan boleh mengumpul habuk.

(b) Lantai-lantai hendaklah diperbuat dari bahan yang kukuh dan kalisair, yang dikemas-siapkan dengan licin dan bercerun

supaya semua cecair dengan mudah dapat mengalir ke dalam longkang-longkang.

(c) Longkang-longkang hendaklah dibina dari batu dengan berlapik dengan simen yang baik dengan bahagian bawah separuh bulat atau paip-paip separuh tembikar bergerlis dan hendaklah bergaris pusat tidak kurang dari 15.25 sentimeter dan hendaklah cukup bilangan dan cerunnya supaya segala air dan lain-lain cecair dapat mengalir. Longkang-longkang sedemikian itu kecuali yang melintasi kaki lima hendaklah ditutup hanya dengan papan atau lain-lain bahan yang boleh dialih dan tidak boleh ditutup oleh lekapan-lekapan atau perabot berat. Tiada longkang-longkang atau paip-paip untuk mengalirkan air hujan atau air basuhan atau najis atau benda-benda kumbahan selain daripada paip-paip kotoran yang dibina dengan sempurna boleh diletak melintasi premis itu.

(d) Lantai-lantai di tingkat-tingkat atas hendaklah dibina dengan sempurna dari simen konkrit atau dari papan berlidah yang rapat dan beralur atau dalam kaedah lain bersambung supaya tak telap air.

5. Penjualan lelong untuk ikan, sayur-sayuran, buah-buahan, daging dan sebagainya tidak boleh dijalankan di dalam atau di sekeliling pasar awam kecuali di pasar lelong yang diluluskan atau dilesenkan oleh Yang Dipertua.

Larangan  
melelong  
tanpa lesen.

6. (a) Dalam mana-mana pasar persendirian di mana daging atau ikan dipotong, disiang, dicincang, disimpan, dipamer atau di-dedahkan untuk jualan, maka dinding-dindingnya hendaklah dibina setinggi 1.85 meter dari lantai dan permukaannya hendaklah ditampali dengan genting gerlis yang putih, batu bergerlis atau lain-lain bahan yang kalisair yang diluluskan oleh Yang Dipertua.

Kehendak-  
kehendak  
bagi jualan  
daging dan  
ikan.

(b) Semua meja, kaunter, bangku atau almari pameran yang digunakan untuk mempamerkan daging atau ikan untuk dijual hendaklah ditutup dengan marmar, genting gerlis yang putih atau kaca dan hendaklah dibasuh dengan sabun dan air sekurang-kurangnya sekali sehari.

(c) Semua meja, kaunter, bangku atau almari pameran yang digunakan untuk mempamerkan buah-buahan atau sayur-sayuran untuk dijual hendaklah dibasuh dengan sabun dan air sekurang-kurangnya sekali sehari.

(d) Cangkul-cangkul untuk menggantungkan apa-apa daging atau ikan yang dipamerkan untuk jualan hendaklah ditanjukkan kebelakang sekurang-kurangnya 1.05 meter dari beranda atau lorong kaki lima dan hendaklah dibuat dari bahan tahan karat dan hendaklah ditukar apabila diarahkan oleh Yang Dipertua.

(e) Buah-buahan dan sayur-sayuran segar tidak boleh dipamerkan untuk jualan di kaunter atau bangku yang sama untuk daging atau ikan segar.

(f) Tong-tong ais dari bentuk yang diluluskan hendaklah di-adakan jika dikehendaki oleh Yang Dipertua.

7. Bekalan air yang bersih dan segar yang diperolehi daripada bekalan air awam hendaklah sentiasa terdapat di premis itu.

Bekalan air.

Kehendak-  
kehendak  
kebersihan.

8. Pemegang lesen sesebuah pasar persendirian hendaklah mematuhi kehendak-kehendak berikut—

- (a) Ia hendaklah menyebabkan semua sampah-sarap dipungut dan ditempatkan di dalam bekas-bekas yang bertutup yang disediakan untuk tujuan itu, dan hendaklah menyebabkan bekas-bekas itu dikosongkan dan dibersihkan seberapa kerap yang perlu untuk menjaga premis itu supaya bersih dan segar sepanjang masa tetapi hendaklah tidak kurang daripada sekali dalam sehari.
- (b) Pada masa-masa yang diarahkan oleh Yang Dipertua segala barang yang mudah alih hendaklah diubah dari pada premis berlesen itu, dinding-dinding, lantai-lantai, siling-siling dan bumbung-bumbungnya hendaklah disapu dan semua kotoran dan sampah-sarap dibuang, dan seluruh premis itu dibersihkan sebersih-bersihnya, dicat atau disapukapur dan semua pemberian-pemberian yang perlu hendaklah dibuat kepada premis itu.
- (c) Semua makanan yang dimaksudkan untuk jualan hendaklah dijaga dalam keadaan bersih dan terlindung dengan berkesan daripada jalat, vermin, serangga, habuk, kotoran atau lain-lain bahan, jirim atau benda lain yang membahaya.
- (d) Semua alatan yang digunakan di premis itu hendaklah dijaga dalam keadaan bersih dan bebas dari sebarang kekotoran atau kecemaran.
- (e) Tiada barang-barang bilik tidur atau pakaian boleh digantung atau disimpan di mana-mana bahagian pasar persendirian.

Syarat-syarat  
pengeluaran  
lesen-lesen  
pasar per-  
sendirian.

9. (a) Dalam hal pasar persendirian, Yang Dipertua boleh menetapkan—

- (i) bilangan maksimum gerai, tempat jualan atau lot yang boleh didirikan atau diperuntukkan di dalamnya;
- (ii) kedudukan dalam lingkungan pasar persendirian itu, di mana gerai atau tempat jualan itu boleh didirikan atau ditandakan;
- (iii) jenis makanan yang bermasak atau tidak bermasak, minuman atau barang-barang yang dijual atau yang hendak dijual di tiap-tiap bahagian atau sebahagian daripada pasar persendirian; dan
- (iv) lain-lain kehendak yang difikirkan perlu oleh Yang Dipertua.

(b) Yang Dipertua boleh mengeluarkan lesen-lesen untuk pasar-pasar persendirian mengikut syarat-syarat yang difikirkan patut olehnya.

Lesen gerai  
dikehendaki  
di pasar  
awam.

10. (a) Tidak sesiapa pun boleh menjual atau mendedahkan atau menyimpan untuk jualan binatang-binatang atau daging, ikan, ayam, itik, buah-buahan, sayur-sayuran, barang-barang makanan yang mudah busuk yang dimaksudkan bagi makanan manusia, atau apa-apa pakaian barang dagangan atau barang-barang lain di dalam mana-mana pasar awam kecuali di gerai atau tempat jualan yang berkenaan yang mana ia telah diberi lesen oleh Yang Dipertua.

(b) Yang Dipertua hendaklah menyenggara satu daftar yang mengandungi butir-butir berkenaan dengan semua pemegang gerai.

11. Seseorang pemegang lesen—

Mempamerkan lesen.

- (a) bagi sesebuah pasar persendirian hendaklah sepanjang masa mempamerkan lesenya di bahagian yang mudah dilihat di dalam pasar persendirian itu;
- (b) bagi sesebuah pasar awam hendaklah sepanjang masa mempamerkan lesenya di bahagian yang mudah dilihat digerainya; dan
- (c) bagi sesebuah tempat jualan di dalam sesebuah pasar awam hendaklah menyimpan lesenya sendiri atau di sesuatu tempat yang membolehkannya menunjukkan lesen itu apabila diminta.

12. (a) Seseorang pemegang gerai di dalam mana-mana pasar awam hendaklah sepanjang masa hadir dan menguruskan atau mengawaskan jualan-jualan di gerai atau di tempat jualannya melainkan ia tidak berupaya berbuat demikian atas sebab-sebab yang munasabah.

Pemegang gerai hendaklah hadir.

(b) Seseorang pemegang gerai di dalam mana-mana pasar awam boleh, dengan kebenaran bertulis daripada Yang Dipertua, menggaji seorang pembantu yang diberi kuasa yang mana nama dan gambarnya hendaklah diletakan pada kad lesen itu di bahagian bawah nama dan gambar pemegang lesen. Pemegang gerai itu hendaklah bertanggungjawab di atas tindak-tanduk pembantunya dan hendaklah hadir sendiri di gerai itu dari pukul 8.00 pagi hingga 12.00 tengah hari.

(c) Jika seseorang pemegang gerai di dalam mana-mana pasar awam hendak meninggalkan gerai atau tapaknya untuk selama tempoh tiga puluh hari, dia hendaklah melantik seorang penama yang menggantikan tempatnya dengan terlebih dahulu mendapat kelulusan bertulis daripada Yang Dipertua.

(d) Yang Dipertua tidak boleh, melainkan dalam keadaan yang difikirkan perlu, memberi kelulusan di bawah peruntukan-peruntukan perenggan (c) undang-undang kecil ini bagi tempoh melebihi tiga bulan.

(e) Bayaran sebanyak \$5.00 hendaklah kena dibayar oleh pemegang gerai bagi melantik seorang penama.

(f) Tiada pemegang gerai di dalam mana-mana pasar awam boleh menyerahak, memajakkan atau menyewakan atau "sublet" gerainya.

13. Yang Dipertua dalam hal sesebuah pasar awam, dan pemegang lesen sesebuah pasar persendirian dalam hal pasar persendirian, boleh membahagikan bahagian-bahagian yang berlainan di pasar awam atau pasar persendirian mengikut mana yang berkenaan, untuk jualan berlainan jenis makanan yang bermasak atau tidak bermasak, minuman, benda atau barang-barang, dan tiada seorang pun boleh mendedahkan untuk jualan atau menjual apa-apa makanan, minuman, benda atau barang-barang selain daripada di bahagian yang telah ditetapkan untuk jualan barang-barang tersebut.

Peraturan bagi tempat menjual.

- Waktu pasar awam.**
14. Pasar-pasar awam hendaklah dibuka mengikut waktu yang diarahkan oleh Yang Dipertua, dan melainkan dengan kebenaran khas Yang Dipertua tiada sesiapa pun boleh berada di pasar awam sewaktu pasar itu ditutup.
- Pembaziran air dan larang penggunaan air dari tandas.**
15. (a) Apabila sesuatu bekalan air awam disediakan di mana-mana pasar awam, maka tiada sesiapa pun boleh membazirkan air, dan semua orang hendaklah mematuhi arahan-arahan seperti mana yang diberi oleh Yang Dipertua atau sesiapa yang diberi kuasa olehnya.
- (b) Tiada pemegang gerai atau sesiapa yang berkaitan dengan jualan makanan atau minuman boleh menyediakan untuk minuman atau menggunakan untuk memasak atau membasuh lain-lain kegunaan bersangkutan dengan trednya apa-apa air dari mana-mana pili air atau sumber lain di dalam sesebuah kemudahan atau tandas awam atau persendirian.
- Mempamerkan tanda harga.**
16. (a) Setiap pemegang gerai hendaklah mempamerkan dengan jelas di gerainya tanda-tanda harga bagi tiap-tiap barang yang didekahkan untuk jualan.
- (b) Setiap pemegang gerai hendaklah menjual barang-barang itu mengikut harga yang dinyatakan pada tanda-tanda harga itu.
- Mengembangkan daging.**
17. Tiada seseorang boleh menyuntik air atau cecair lain ke dalam sebarang daging yang dimaksudkan untuk dijual atau mengembungkannya dengan angin dan tiada seorang pun boleh menyuntikkan air atau lain-lain cecair ke dalam apa-apa daging yang dimaksudkan dan tidak juga boleh mengembungkannya dengan udara, dan tiada sesiapa pun boleh menjual atau menawarkan atau mendedahkan untuk dijual atau menyebabkan ditawarkan atau didedahkan apa-apa daging yang telah digembangkan dengan udara atau ke dalamnya air atau lain-lain cecair telah disuntik.
- Hanya daging yang disembelih di rumah sembelih yang berlesen sahaja boleh dijual.**
18. Tiada sesiapa pun boleh menjual atau mendedahkan untuk dijual atau menyebabkan dijual, ditawarkan atau didedahkan untuk jualan mana-mana bahagian dari apa-apa binatang yang disembelih di mana-mana tempat selain daripada sebuah rumah sembelih awam atau rumah sembelih berlesen, dengan syarat dalam hal rusa atau lain-lain binatang liar, undang-undang kecil ini tidak dapat dipakai.
- Jualan makanan yang tidak segar dilarang.**
19. (a) Tiada sesiapa pun boleh mendedahkan untuk jualan atau menjual di dalam sesebuah pasar apa-apa barang makanan atau minuman yang tidak segar untuk makanan manusia.
- (b) Pegawai Kesihatan atau mana-mana orang yang diberi kuasa oleh Yang Dipertua boleh mensita, memeriksa atau meneliti mana-mana binatang yang tidak boleh diguna, burung, daging, ikan atau buah-buahan, sayur-sayuran atau lain-lain benda makanan atau minuman yang tidak sihat atau apa-apa yang tidak segar untuk makanan manusia dengan syarat jika pada pendapat Pegawai Kesihatan bahawa benda yang disita itu patut dimusnahkan, maka benda tersebut hendaklah dimusnahkan dengan serta-merta.

20. Pemegang lesen mana-mana pasar persendirian atau, sekiranya sesebuah pasar awam atau mana-mana bahagian daripadanya yang dipajakkan, pemajak mengaji hendaklah mengambil sebilangan orang secukupnya untuk membasuh dan menjaga kebersihan pasar itu dengan memuaskan hati Yang Dipertua, dan hendaklah bertanggungjawab terhadap semua kerosakan kepada atau kehilangan apa-apa harta benda Majlis di dalam pasar itu.

Tanggung-jawab pemegang lesen atau pemajak.

21. Penghuni tiap-tiap gerai hendaklah menjaga gerainya supaya bersih dan teratur dan pada satu hari dalam seminggu seperti yang ditetapkan oleh Yang Dipertua, pemegang-pemegang gerai hendaklah memindahkan semua barang-barang atau lain-lain benda atau benda daripada gerai atau tempat jualan mereka dan hendaklah membersihkan gerai atau tempat jualan mereka itu sebersih-bersihnya.

Pembersihan gerai-gerai.

22. Setiap penjual ikan atau daging hendaklah membasuh dan membersihkan gorai, blok gerai, papan gerai dan semua alat perkakasnya dan alatan-alatan yang berkenaan dengannya sebersih-bersihnya sekurang-kurangnya sekali sehari, dan hendaklah menjaganya dalam keadaan bersih dan cuci.

Pembersihan gerai daging dan ikan setiap hari.

23. Setiap pemegang gerai hendaklah menjaga mana-mana perisaran, lorong atau ruang di hadapan, di belakang atau di sisi gerai atau tempat jualannya dalam keadaan bersih dengan memuaskan hati Yang Dipertua.

Sekitar gerai hendaklah dijaga dengan bersih.

24. Setiap pemegang gerai di dalam sesebuah pasar awam atau pasar persendirian hendaklah menjaga bangsal, gerai, kandang atau tempatnya dan kawasan sekitarnya dalam bersih dan cuci.

Kebersihan pasar dan gerai-gerai.

25. Setiap pemegang gerai hendaklah—

Alatan dan makanan hendaklah dijaga.

- (a) menjaga semua makanan, sama ada yang bermasak atau tidak bermasak, dalam keadaan bersih dan cuci supaya tidak bersentuh dengan mana-mana lalat, vermin, serangga-serangga, kekotoran, habuk, atau lain-lain bahan, jirim atau benda yang membahayakan;
- (b) membungkus semua makanan untuk pelanggan-pelanggan dengan bahan atau benda lain yang bersih dan tidak tercemar dalam apa-apa cara pun;
- (c) menjaga semua perkakas dan alat-alat yang digunakan berhubung dengan perniagaannya supaya bersih dan bebas dari apa-apa kecemasan;
- (d) menyenggara diri dan pakaianya dalam keadaan bersih;
- (e) mengecat gerainya seberapa kerap yang diarahkan berbuat demikian oleh Yang Dipertua; dan
- (f) mematuhi lain-lain arahan yang dikeluarkan dari masa ke semasa oleh Yang Dipertua.

26. (a) Setiap pemegang gerai hendaklah menyediakan dan menyenggara dalam keadaan baik berkenaan suatu bilangan yang secukupnya, tong sampah bertutup daripada bentuk dan bahan yang diintuskan oleh Yang Dipertua.

Pembuangan sampah-sarap.

(b) Tiada pemegang gerai atau lain-lain orang boleh melonggok atau menyebabkan dilonggokkan apa-apa sisa makanan, buangan, sampah-sarap, atau lain-lain jirim atau benda yang dibuang olehnya di mana-mana tempat selain dari dalam tong sampah tersebut.

(c) Semua sampah-sarap yang busuk atau pejal hendaklah dimasukkan ke dalam bag plastik atau lain-lain bekas yang ringan sebagaimana yang diluluskan oleh Yang Dipertua, sebelum dilonggokkan ke dalam tong sampah.

(d) Setiap pemegang gerai hendaklah mempastikan semua sampah-sarap yang terkumpul semasa menjalankan perniagaannya dimasukkan dari masa ke semasa ke dalam tong sampah awam yang disediakan bagi tujuan itu.

(e) Tiada pemegang gerai boleh menyebabkan atau membenarkan dilonggokkan, ditumpah, ditabur atau dibuang apa-apa darah, air masin cecair buangan atau lain-lain jirim yang mengganggu ke dalam mana-mana longkang atau atas mana-mana lantai pasar melainkan di tempat-tempat yang ditetapkan untuk tujuan itu oleh Yang Dipertua.

(f) Sekiranya di dalam sebarang pembicaraan kerana melanggar peruntukan perenggan (b) undang-undang kecil ini dibuktikan bahawa apa-apa sisa makanan, kekotoran, sampah-sarap atau jirim-jirim atau benda-benda lain telah tidak dilonggokkan ke dalam tong sampah tetapi di dalam atau di atas mana-mana laluan, longkang, halaman atau tempat-tempat lain yang berhampiran sekali di hadapan, di belakang atau di sisi gerai atau tempat jualan, maka hendaklah dianggapkan, melainkan sebaliknya dapat dibuktikan, bahawa barang-barang tersebut telah dilonggokkan di dalam atau di atas atau dengan kebenaran pemegang gerai yang gerai atau tempat jualannya adalah terletak paling hampir dengan sisa makanan, kekotoran, sampah-sarap atau jirim-jirim atau benda-benda lain itu.

**Halangan.**

27. Tiada pemegang gerai di mana-mana pasar awam boleh—

- (a) meletak, mendirikan atau menempatkan gerai atau tempat jualannya melebihi had yang diperuntukkan kepadanya, dan tiada kajang atau penutup boleh merentang melebihi 30 sentimeter daripada gerai atau tempat jualan itu;
- (b) menyebabkan atau membenarkan mana-mana barang, barang-barang dagangan atau lain-lain benda, perkakas atau benda-benda yang berkaitan dengan perniagaannya dilonggok, dipamer atau didedahkan untuk jualan di mana-mana anak tangga, lorong, laluan atau jalan lalu lalang pasar itu, atau di atas atau merintasi mana-mana longkang atau sebahagian daripadanya dalam pasar itu;
- (c) menyebabkan atau membenarkan barang-barang dagangan, barang-barang atau lain-lain benda, perkakas atau bendanya yang berkaitan dengan perniagaannya menganjur keluar dari had gerai atau tempat jualan yang diperuntukkan kepadanya;
- (d) menyebabkan apa-apa halangan di mana-mana pasar atau di mana-mana jalan, lorong, atau jalan masuk ke mana-mana pasar dengan kenderaan batang-barang, peti, bakul, kereta sorong atau benda-benda lain; atau

- (e) mendirikan apa-apa peti, rak, loteng atau struktur-struktur lain di atas gerai atau tempat jualannya setinggi melebihi 24 meter daripada paras tanah atau melonggokkan atau menimbunkan barang-barang, peti-peti, bakul-bakul, bungkus-bungkus atau benda-benda lain di atas gerai atau tempat jualan melebihi tinggi tersebut.
28. Tiada sesiapa pun boleh mempamerkan apa-apa benda untuk jualan di lorong-lorong atau atas mana-mana longkang di dalam sesebuah pasar, dan tiada papan, peti, bakul, atau lain-lain benda boleh ditinggalkan di dalam, di atas atau merintasi mana-mana longkang atau lorong itu. Halangan di longkang dan lorong.
29. Tiada sesiapā pun boleh mendirikan apa-apa pelindung panas, tirai atau sekatan atau membuat apa-apa pindaan atau tambahan kepada mana-mana gerai tanpa kebenaran bertulis dari Yang Dipertua. Pelindung panas dan pindaan.
30. Tiada sesiapa pun boleh menggunakan sebarang kereta sorong atau kereta sorong beroda besi untuk tujuan mengangkut barang di dalam mana-mana pasar awam. Penggunaan kereta beroda besi dilarang.
31. Tiada sesiapa pun boleh memandu apa-apa kenderaan bermotor atau membawa mana-mana basikal atau mana-mana kenderaan lain masuk ke dalam mana-mana pasar awam kecuali dibenarkan secara bertulis oleh Yang Dipertua. Kemasukan kenderaan.
32. (1) Tiada api boleh dinyalakan atau memasak atau merebus dibuat dalam mana-mana pasar, kecuali di tempat atau di tempat-tempat yang telah ditentukan oleh Yang Dipertua tertakluk kepada syarat-syarat yang dikenakan olehnya. Api.
- (2) Tiada melapah ayam itik boleh dijalankan dalam mana-mana pasar, kecuali di suatu tempat atau tempat-tempat yang ditentukan oleh Yang Dipertua tertakluk kepada syarat-syarat yang dikenakan olehnya. Melapah ayam itik.
33. Tiada sesiapa pun boleh duduk, berdiri, berbaring atau tidur, di mana-mana gerai dalam mana-mana pasar. Penggunaan gerai secara haram.
34. Tiada sesiapa pun boleh di dalam sesebuah pasar—  
 (a) membuat kacauganggu;  
 (b) meludah atas lantai, gerai atau mana-mana bahagian pasar itu;  
 (c) membuang apa-apa sayur-sayuran, najis binatang, sisa binatang, kotoran atau jirim-jirim atau benda-benda lain yang mengganggu ke atas mana-mana gerai, lorong, laluan, anak tangga atau mana-mana bahagian pasar itu, kecuali ke dalam sesuatu bekas atau tong sampah; atau  
 (d) memelihara anjing atau lain-lain binatang atau membawa masuk ke dalam sesuatu pasar seekor anjing atau lain-lain binatang dengan lehernya yang berikat atau sebaliknya, atau sengaja membenarkan seekor anjing atau lain-lain binatang mengikutinya masuk ke dalam sesebuah pasar;
35. Tiada sesiapa pun boleh di dalam sesebuah pasar mengemis atau meminta sedekah atau menunjuk atau mendedahkan sebarang kudis, luka, penyakit tubuh badan atau kecacatan tubuh Mengemis.

badan. Pegawai Majlis Daerah Kota Tinggi hendaklah mengusir orang-orang sedemikian daripada pasar-pasar dan tiada sesiapa yang berpenyakit seperti itu boleh melibatkan diri atau membantu apa-apa perniagaan di dalamnya.

**Orang yang berpenyakit.**

36. Tiada sesiapa pun yang secara sedar mengidap apa-apa penyakit berjangkit atau menular atau membawa jangkitan dari apa-apa penyakit boleh melibatkan diri dalam penjualan makanan di dalam mana-mana pasar dan sesiapa yang terlibat sedemikian hendaklah, jika dikehendaki berbuat demikian oleh Pegawai Kesehatan dikemukakan kepada suatu pemeriksaan perubatan.

**Gangguan alat-alat elektrik dan air.**

37. Tiada sesiapa pun boleh mengusik atau mengganggu apa-apa alat elektrik atau air di mana-mana pasar awam.

**Kuasa memeriksa.**

38. Tiada sesiapa pun boleh menghalang mana-mana pegawai Majlis yang telah diberi kuasa daripada memasuki atau memeriksa mana-mana bahagian daripada mana-mana pasar pada bila-bila masa.

**Kuasa untuk mengusir orang yang melanggar peraturan dan menamatkan pajakan.**

39. Yang Dipertua boleh mengusir atau menyebabkan diusir dari mana-mana pasar awam sesiapa atau orang-orang gajinya yang sabit dengan apa-apa kesalahan atau tidak mematuhi mana-mana undang-undang kecil berkaitan dengan pasar-pasar; dan boleh mencegah orang itu sendiri atau orang gajinya daripada terus menjalankan apa-apa tred atau perniagaan di dalam pasar itu atau menduduki mana-mana gerai, kedai atau tempat-tempat lain di dalamnya, dan boleh menamatkan apa-apa pajak atau pegangan yang dimiliki oleh orang berkenaan itu bagi mana-mana kedai atau lain-lain tempat.

**Pemasangan alat-alat elektrik dan sambungan.**

40. Tiada alat-alat atau sambungan elektrik boleh dipasang atau disambung oleh pemegang gerai di dalam sesebuah pasar awam tanpa terlebih dahulu mendapat kebenaran bertulis daripada Yang Dipertua. Pemegang gerai berkenaan hendaklah menanggung semua kos dan perbelanjaan penyambungan, pendawaman atau pemasangan itu.

**Fee lesen.**

41. Fee yang kena dibayar bagi sesuatu lesen di dalam sesebuah pasar awam atau sesuatu gerai atau sesuatu tempat jualan adalah seperti ditetapkan dalam Jadual I dan II.

**Perlukaran tempat jualan.**

42. Di dalam keadaan di mana Yang Dipertua membenarkan mana-mana pertukaran sesuatu tempat jualan di dalam sesebuah pasar awam, fee yang kena dibayar ialah \$10.00.

**Pemansuhan.**

43. (i) Keseluruhan Bahagian V(c) Undang-undang Kecil Lembaga Bandaran 1937 berkenaan dengan Penubuhan dan Peraturan Pasar-pasar adalah dengan ini dimansuhkan setakat mana Undang-undang Kecil itu dipakai oleh Majlis Daerah Kota Tinggi.

(ii) Keseluruhan Undang-undang Kecil 54(b) dan (c) dalam Bahagian V(E) Undang-undang Kecil Lembaga Bandaran 1937 adalah dengan ini dimansuhkan setakat mana Undang-undang Kecil itu dipakai oleh Majlis Daerah Kota Tinggi.

(iii) Keseluruhan Bahagian XI(D) Undang-undang Kecil Lembaga Bandaran 1937 berkenaan dengan sita serta pemusnahan ikan, daging, buah, sayur dan lain-lain makanan yang tidak segar setakat mana Undang-undang Kecil itu dipakai oleh Majlis Daerah Kota Tinggi adalah dengan ini dimansuhkan.

**JADUAL I**  
(Undang-undang Kecil 41)

						<i>Fee lesen sebulan</i>	
						<i>Minimum</i>	<i>Maksimum</i>
<b>A. PASAR LELONG:</b>							
1.	Sayur-sayuran	...	...	...	...	\$ 50.00	\$ 120.00
2.	Buah-buahan	...	...	...	...	\$ 30.00	\$ 80.00
3.	Ikan	...	...	...	...	\$ 80.00	\$ 150.00
4.	Lain jualan lelong	...	...	...	...	\$ 50.00	\$ 150.00
<b>B. PASAR/GERAI:</b>							
1.	Sayur-sayuran	...	...	...	...	\$ 10.00	\$ 50.00
2.	Sayur kering	...	...	...	...	\$ 10.00	\$ 50.00
3.	Buah-buahan	...	...	...	...	\$ 10.00	\$ 50.00
4.	Telur	...	...	...	...	\$ 10.00	\$ 50.00
5.	Tauhu	...	...	...	...	\$ 20.00	\$ 80.00
6.	Ikan	...	...	...	...	\$ 20.00	\$ 80.00
7.	Ternakan	...	...	...	...	\$ 20.00	\$ 80.00
8.	Babi	...	...	...	...	\$ 50.00	\$ 100.00
9.	Babi panggang	...	...	...	...	\$ 25.00	\$ 50.00
10.	Daging lembu	...	...	...	...	\$ 30.00	\$ 80.00
11.	Daging kambing	...	...	...	...	\$ 30.00	\$ 80.00
12.	Air batu	...	...	...	...	\$ 20.00	\$ 50.00
13.	Barang-barang kering	...	...	...	...	\$ 30.00	\$ 80.00
14.	Vermicelli	...	...	...	...	\$ 10.00	\$ 50.00
15.	Kelapa	...	...	...	...	\$ 10.00	\$ 50.00
16.	Ketam dan Kerang	...	...	...	...	\$ 10.00	\$ 50.00
17.	Makanan masak	...	...	...	...	\$ 30.00	\$ 80.00
18.	Kueh	...	...	...	...	\$ 10.00	\$ 50.00
19.	Kopi serbok	...	...	...	...	\$ 10.00	\$ 50.00
20.	Ayam/Itik	...	...	...	...	\$ 10.00	\$ 50.00
21.	Bilik sejuk	...	...	...	...	\$ 20.00	\$ 50.00
22.	Rempah-rempah	...	...	...	...	\$ 10.00	\$ 50.00
23.	Sayur bergaram/jeruk	...	...	...	...	\$ 10.00	\$ 50.00
24.	Pecah ais	...	...	...	...	\$ 10.00	\$ 50.00
25.	Barang-barang runcit	...	...	...	...	\$ 10.00	\$ 80.00

**JADUAL II**  
(Undang-undang Kecil 41)

					<i>Fee lesen setahun</i>	
					<i>Minimum</i>	<i>Maksimum</i>
<b>(a) PASAR PERSENDIRIAN:</b>						
1.	Keluasan kawasan 70 meter persegi	...	...	...	\$ 200.00	\$ 500.00
2.	Keluasan kawasan kurang 70 meter persegi	...	...	...	\$ 100.00	\$ 190.00
<b>(b) SUPERMARKET DAN MINIMARKET:</b>						
1.	Keluasan kawasan 185 meter persegi dan lebih	...	...	...	\$ 750.00	\$ 1,500.00
2.	Keluasan kawasan kurang 185 meter persegi	...	...	...	...	...

Diperbuat pada 27hb. September, 1981,  
[MDKT/AM/86-1.]

YANG DIPERTUA,  
MAJLIS DAERAH KOTA TINGGI

Disahkan pada 20hb. Januari, 1982.  
[KT. 14/17/11.]

DATO' ABDUL AJIB BIN AHMAD,  
DPMJ., DGSM., BSI.,  
Menteri Besar, Johor